

# Pinngitsaaliissummik unitsitsinermi periutsit pillugit Namminersorlutik Oqartussat nalunaarutaat

Tarnimikkut napparsimasunik nammineersinnaajunnaarsitsisarneq allatigullu pinngitsaaliissummik iliuuseqartarneq pillugit Inatsisartut inatsisaanni nr. 11, 12. juni 2019-imeersumi § 10, imm. 3, naapertorlugu aalajangersarneqarput:

## Kapitali 1

### *Nakorsamik aggersaaneq*

§ 1. Tarnimikkut napparsimasunik nammineersinnaajunnaarsitsisarneq allatigullu pinngitsaaliissummik iliuuseqartarneq pillugit Inatsisartut inatsisaanni § 8, imm. 1 naapertorlugu inuup qaniginerpaasai pingaarnerit aalajangersakkamik tamatuminnga atuinermi tassaapput, aapparisaq, inooqat, angajoqqaat, meeqqat inersimasut inuillu pineqartup inoqutigisaanut ilaasut. Pineqartoq peqqinnissaqarfiup immikkoortorta qarfiisa ilaanni uninngappat, unitsitsinissaq siunertaralugu peqqinnissaqarfimmut attaveqarnissamut pisussaaffik sulisuniippoq.

§ 2. Qanigisaasut allalluunniit peqqinnissaqarfimmut saaffiginningippata § 1 naapertorlugu politiit tamatumunnga pisussaaffeqarput.

## Kapitali 2

### *Nakorsamit uppersaammik ilusilersuineq*

§ 3. Pinngitsaaliissummik unitsitsisoqassappat, nakorsaq nappaatip suusinnaaneranik, napparsimasup tarnimigut pissusaa aamma pissutsit nakorsap tarnimikkut napparsimasunik nammineersinnaajunnaarsitsisarneq allatigullu pinngitsaaliissummik iliuuseqartarneq pillugit Inatsisartut inatsisaanni § 7, nr. 1 naapertorlugu katsorsartittariaqarnermut imaluunniit § 7, nr. 2 naapertorlugu navianassutsimik takussutissat pillugit piumasaqaatit naammassineqarsimanerisa taparserneqarnera pillugu nakorsaq nakorsamit uppersaammik allagaqassaaq.

*Imm. 2.* Nakorsamit uppersaamat unitsitsinissaq pineqartoq siunertaralugu, nakorsap nammineq misissuineranik tunngaveqassaaq.

*Imm. 3.* Misissuineq naammassippat nakorsamit uppersaamat erngertumik suliarineqassaaq.

*Imm. 4.* Pinngitsaaliissummik unitsitsisoqarnissaa siunertaralugu nakorsamit uppersaamat nakorsap politiinut tunniutissavaa imaluunniit nassiutissavaa.

### Kapitali 3

#### *Pinngitsaaliisummik unitsitsineq*

**§ 4.** Pinngitsaaliisummik unitsitsinissap isumagineqarnissaa politiit aalajangiivigissavaat.

*Imm. 2.* Imm. 1 naapertorlugu pinngitsaaliisummik unitsitsinissamik aallartitsisoqarnissaanik aalajangiisup tarnimikkut napparsimasunik nammineersinnaajunnaarsitsisarneq allatigullu pinngitsaaliisummik iliuuseqartarneq pillugit Inatsisartut inatsisaat naapertorlugu piumasaqaatit naammassineqarsimanersut misissussavai, tassunga ilanngullugit tarnimikkut napparsimasunik nammineersinnaajunnaarsitsisarneq allatigullu pinngitsaaliisummik iliuuseqartarneq pillugit Inatsisartut inatsisaat naapertorlugu periaaseq malinneqarsimanersoq aammalu pinngitsaaliilluni unitsitsinissamut tunngavissatut paasissutissat pisariaqartinneqartut nakorsamit uppersaammut ilanngunneqarsimanersut misissussallugit.

**§ 5.** Ingerlaannaq unitsitsinissaq pisariaqanngippat politiit Dronning Ingridip Napparsimmavissuani tarnikkut nappaatilinnut immikkoortortaqarfik isumaqatigiissuteqarfigissavaat sumi pinngitsaaliisummik unitsitsineq pissanersoq qaqugulu pinngitsaaliisummik unitsitsineq pissanersoq.

*Imm. 2.* Peqqinnissaqarfiup immikkoortortaqarfiisa ilaanni ingerlaannaq pinngitsaaliilluni unitsitsisoqassappat qaqugukkut nuussisoqarnissaa naatsorsuutigineqarnera pillugu Dronning Ingridip Napparsimmavissuani tarnikkut nappaatilinnut immikkoortortaqarfik piaarnerpaamik attaveqarfigineqassaaq.

**§ 6.** Tarnimikkut napparsimasunik nammineersinnaajunnaarsitsisarneq allatigullu pinngitsaaliisummik iliuuseqartarneq pillugit Inatsisartut inatsisaanni § 7, nr. 1, naapertorlugu pinngitsaaliisummik unitsitsisoqarpat, nakorsap unitsitsisup napparsimasumik misissuineranut atatillugu pinngitsaaliisummik unitsitsisoqanngippat, pinngitsaaliisummik unitsitsinissap qaqugu pinissaa pillugu, politiit nakorsamut unitsitsisumut ilisimatitsissapput. Pinngitsaaliisummik unitsitsinissap qaqugu pinissaa aalajangiivigineqarniariapat, piaarnerpaamik ilisimatitsissutigineqassaaq.

*Imm. 2.* Pinngitsaaliisummik unitsitsinermi nakorsaq unitsitsisoq sapinngisamik peqataassaaq. Tarnimikkut napparsimasunik nammineersinnaajunnaarsitsisarneq allatigullu pinngitsaaliisummik iliuuseqartarneq pillugit Inatsisartut inatsisaanni §§ 3 aamma 4 naapertorlugit nakorsaq napparsimasumik ilitersueqqissaaq, pinngitsaaliisumillu unitsitsinissamut piumasaqaatit eqquutsinneqarnerat misissussallugu.

**§ 7.** Pinngitsaaliilluni unitsitsinermi tarnimikkut napparsimasunik nammineersinnaajunnaarsitsisarneq allatigullu pinngitsaaliisummik iliuuseqartarneq pillugit Inatsisartut inatsisaanni § 7, nr. 2-mi navianassutsimut tunngasoq ullumi unnuamilu ataatsimi kingullermi pisimanersoq aamma pinngitsaaliilluni unitsitsinermi tarnimikkut napparsimasunik nammineersinnaajunnaarsitsisarneq allatigullu pinngitsaaliisummik iliuuseqartarneq pillugit Inatsisartut inatsisaanni § 7, nr. 1, katsorsaanissamut tunngasoq, pinngitsaaliilluni unitsitsineq ullunik arfineq-marlunnik sioqqullugu pisimanersoq politiit nakkutigissavaat, takuuk tarnimikkut napparsimasunik nammineersinnaajunnaarsitsisarneq allatigullu pinngitsaaliisummik iliuuseqartarneq pillugit Inatsisartut inatsisaanni § 9, imm. 3.

*Imm. 2.* Pinngitsaaliilluni unitsitsinermi tarnimikkut napparsimasunik nammineersinnaajunnaarsitsisarneq allatigullu pinngitsaaliisummik iliuseqartarneq pillugit Inatsisartut inatsisaanni § 9, imm. 3-mi piffissaliussat malinneqarsimanngippata aatsaat nutaamik nakorsamit napparsimasoq misissorneqarsimappat aamma unitsitsinissamut papilissat nutaat suliarineqarsimappata aatsaat pinngitsaaliilluni unitsitsisoqarsinnaavoq.

**§ 8.** Pinngitsaaliisummik unitsitsineq Inatsisartut inatsisaanni § 5, imm. 3, naapertorlugu, pisariaqanngitsumik kanngutsatsitsisoqaqqunagu akornuseeqqunaguluunniit, sapinngisaq tamaat qajassuartumik malunnaarsaartumillu ingerlanneqassaaq.

*Imm. 2.* Politiit peqataasut sapinngisaq naapertorlugu inuinnartut atisaqassapput.

*Imm. 3.* Napparsimasoq politiit biiliinut ilaatinneqassappat sapinngisaq tamaat inuinnaat biilii suliffimmi atornerqartartut atorlugit ingerlanneqassaaq.

**§ 9.** Pinngitsaaliisummik unitsitsinnginnermi sapinngisaq tamaat napparsimasup qanigisaa ataaseq arlallilluunniit, pinngitsaaliisummik unitsitsinissaq pillugu politiinit ilisimatinneqassapput.

*Imm. 2.* Napparsimasup najugaqataa/najugaqatai imal. najugaqarfia/najugaqarfi sapinngisaq tamaat isumaqatigalugit pinngitsaaliisummik unitsitsisoqassaaq.

*Imm. 3.* Imm. 1 naapertorlugu pinngitsaaliisummik unitsitsinnginnermi ilisimatitsisoqarsinnaasimanngippat, napparsimasup qanigisaa ataaseq arlallilluunniit pinngitsaaliisummik unitsitsineq pillugu, politiinit piaarnerpaamik tamatuminnga ilisimatinneqassapput.

## **Kapitali 4**

### *Napparsimasup unitsinneqarnera*

**§ 10.** Dronning Ingridip Napparsimmavissuani tarnikkut nappaatilinnut immikkoortorta qarfimmi pinngitsaaliisummik uninngaviusussami nakorsaanerup pinngitsaaliilluni unitsitsinermi tarnimikkut napparsimasunik nammineersinnaajunnaarsitsisarneq allatigullu pinngitsaaliisummik iliuseqartarneq pillugit Inatsisartut inatsisaanni § 10, imm. 2, naapertorlugu pinngitsaaliisummik unitsitsinermi piumasaqaatit eqquutsinneqarsimanersut aalajangiivigissavai. Nakorsaanerup peqannginnerani tarnikkut nappaatilinnut immikkoortortami nakorsaq alla aalajangiinnaavoq. Taama pisoqartillugu 24 tiimit qaangiutsinnagit aalajangiussaq nakorsaanerup isummerfigisassavaa.

*Imm. 2.* Pinngitsaaliilluni unitsitsineq tarnimikkut napparsimasunik nammineersinnaajunnaarsitsisarneq allatigullu pinngitsaaliisummik navianassuseq pillugu iliuseqartarneq pillugit Inatsisartut inatsisaanni § 7, imm. 1, nr. 2 naapertorlugu pisimappat napparsimasoq peqqinnissaqarfimmit ingerlaannaq tiguneqassaaq.

*Imm. 3.* Pinngitsaaliilluni unitsitsineq tarnimikkut napparsimasunik nammineersinnaajunnaarsitsisarneq allatigullu pinngitsaaliisummik iliuseqartarneq pillugit Inatsisartut inatsisaanni § 7, imm. 1, nr. 1, katsorsaanissamut tunngasoq, naapertorlugu pippat napparsimasoq piaarnerpaamik aamma kingusinnerpaamik ullut arfineq-marluk nakorsap napparsimasumik misissuinerata kingorna nakorsamit unitsitsisumit tiguneqassaaq.

## **Kapitali 5**

*Atuutilersitsinermut atorunnaarsitsinermullu aalajangersakkat*

**§ 11.** Nalunaarut 26. april 2024-mi atuutilerpoq.

*Imm. 2.* Peqatigitillugu nalunaarutit uku atorunnaarsinneqassapput:

- 1) Pinngitsaaliisummik unitsitsinermi periutsit pillugit Namminersorlutik Oqartussat nalunaarutaat nr. 17, 2. december 2013-imeersoq.
- 2) Tarnimikkut nappaatilinnik nammineersinnaajunnaarsitsinermut allatigullu pinngitsaaliisummik iliuuseqarnermut atatillugit ilisimatitsineq maalaaruteqarsinnaanermillu ilitersuineq pillugit Namminersorlutik Oqartussat nalunaarutaat nr. 16, 2. december 2013-imeersoq.

*Namminersorlutik Oqartussat, 23. april 2024*

**Agathe Fontain (atsior.)**

Peqqissutsimut Naalakkersuisoq

/ Nike Berthelsen (atsior.)

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut